



Parlamentarni vojni povjerenik BiH učestvovao na 9. međunarodnoj konferenciji institucija ombudsmena za oružane snage

Parlamentarni vojni povjerenik BiH Boško Šiljegović učestvovao je na Devetoj međunarodnoj konferenciji institucija ombudsmena za oružane snage (9.ICOAF) koja je, u organizaciji Ženevskog centra za demokratsku kontrolu oružanih snaga (DCAF) i Ureda ombudsmena za žalbe oružanih snaga Ujedinjenog Kraljevstva, održana u Londonu od 8. do 10. oktobra 2017., o temi: *“Moralni kompas oružanih snaga – kako institucije omudsmena mogu srušiti barijere da bi postigli promjene”*.

Prvog dana konferencije eminentni izlagači i ombudsmeni obrađivali su teme koje se odnose na ulogu institucija ombudsmena unutar etičkih i legalnih granica, etičku praksu u institucijama ombudsmena i oružanim snagama kao i temu o brizi za mentalno zdravlje vojnih lica. Drugog dana konferencije u okviru radnih grupa raspravljalo se o adresiranju potreba posebnih grupa u oružanim snagama, o brizi o učesnicima međunarodnih misija kao i o temi koja se odnosi na pitanje zašto pripadnici oružanih snaga nerado podnose žalbe institucijama ombudsmena.

Osim aktivnog učešća na konferenciji i izlaganja u okviru rada u radim grupama, vojni povjerenik imao je niz bilateralnih susreta s kolegama iz zemalja učesnica, kao i poseban radni sastanak s predstavnicima DCAFA gdje je bilo govora o organizaciji 11. ICOAF-a, čiji će domaćin biti Bosna i Hercegovina.